

# CYNGOR SIR YNYS MÔN

## Cofnodion y Cyfarfod Blynyddol a gynhaliwyd ar 12 Mai 2016

- PRESENNOL:** Y Cynghorydd Jim Evans (Cadeirydd)  
Y Cynghorydd Robert G Parry OBE (Is-Gadeirydd)
- Y Cynghorwyr Lewis Davies, R Dew, Jeff M. Evans, Ann Griffith, John Griffith, D R Hughes, K P Hughes, T LI Hughes, Vaughan Hughes, Victor Hughes, W T Hughes, Llinos Medi Huws, A M Jones, Carwyn Jones, G O Jones, H E Jones, Raymond Jones, R LI Jones, R.Meirion Jones, Richard Owain Jones, Alun W Mummery, Dylan Rees, J A Roberts, Nicola Roberts, Alwyn Rowlands, Dafydd Rhys Thomas a Ieuan Williams.
- WRTH LAW:** Prif Weithredwr,  
Prif Weithredwr Cynorthwyol (CT),  
Prif Weithredwr Cynorthwyol (AM),  
Pennaeth Swyddogaeth (Busnes y Cyngor) / Swyddog Monitro,  
Pennaeth Gwasanaethau Democraidd,  
Swyddog Pwyllgor (MEH).
- HEFYD YN  
BRESENNOL:** Neb
- YMDDIHEURIADAU:** Dim

### 1. CADEIRYDD

#### **PENDERFYNWYD ethol y Cynghorydd Bob Parry OBE FRAGS yn Gadeirydd y Cyngor Sir ar gyfer 2016/17.**

Wrth dderbyn yr anrhydedd o gael ei benodi, sicrhodd y Cynghorydd Parry y byddai'n ymdrechu i gyflawni ei ddyletswyddau fel Cadeirydd hyd eithaf ei allu. Diolchodd i'w ragflaenydd, y Cynghorydd Jim Evans am y ffordd urddasol ac anrhydeddus yn yr oedd wedi cyflawni ei ddyletswyddau dinesig fel Cadeirydd y Cyngor Sir.

Diolchodd y Cadeirydd ymadawol, y Cynghorydd Jim Evans, i'r holl Aelodau a'r Swyddogion am eu cefnogaeth yn ystod ei gyfnod yn y swydd ac yn arbennig i'r Adran Gwasanaethau Democraidd. Rhoddodd y Cynghorydd Evans grynodedd o uchafbwyntiau ei flwyddyn fel Cadeirydd y Cyngor gan gynnwys codi £ 2,800 yn ystod y Noson Elusennol a gynhaliwyd yng Ngwesty Carreg Bran, Llanfairpwll. Rhannwyd yr arian a godwyd rhwng Tŷ Gobaith a Ward Plant Ysbyty Gwynedd.

### 2. IS-GADEIRYDD

#### **PENDERFYNWYD ethol y Cynghorydd Richard O. Jones yn Is-Gadeirydd y Cyngor Sir ar gyfer 2016/17.**

Diolchodd y Cynghorydd Richard O. Jones i'w gyd-Aelodau am yr anrhydedd a dywedodd ei fod yn edrych ymlaen at weithio gyda'r Cadeirydd a'i gynorthwyo yn ei ddyletswyddau yn ystod y flwyddyn sydd i ddod.

**3 DERBYN UNRHYW GYHOEDDIADAU GAN Y CADEIRYDD, ARWEINYDD Y CYNGOR NEU'R PRIF WEITHREDWR**

Cyhoeddodd y Cadeirydd y byddai gwasanaeth Sul y Cadeirydd yn cael ei gynnal yng Nghapel Moriah, Llangefni ar 3 Gorffennaf, 2016.

**4 DATGANIAD O DDIDDORDEB**

Dywedodd y Cadeirydd fod rhai Aelodau o'r Cyngor Sir wedi holi a ddylent ddatgan diddordeb mewn perthynas ag Eitem 9 - Cynllun Taliadau Cydnabyddiaeth Ariannol i Aelodau 2016/17. Ymatebodd y Pennaeth Swyddogaeth (Busnes y Cyngor) / Swyddog Monitro bod yna diddordeb personol mewn perthynas ag Eitem 9 dan y Côt Ymddygiad i Aelodau ond bod darpariaeth yn y Côt a oedd yn dweud nad oedd y diddordeb yn un sy'n rhagfarnu ac felly gall pob Aelod gymryd rhan yn y drafodaeth ar yr eitem ar y sail honno.

**5 DIRPRWYO GAN YR ARWEINYDD / AELODAETH Y PWYLLGOR GWAITH**

Yn unol â Pharagraff 4.1.1.2 y Cyfansoddiad, enwodd yr Arweinydd yr Aelodau canlynol fel y rhai yr oedd wedi eu dewis i wasanaethu ar y Pwyllgor Gwaith ynghyd â'u cyfrifoldebau Portffolio: -

Y Cynghorydd Richard Dew gyda chyfrifoldeb am y Portffolio Cynllunio a Datblygu Economaidd  
Y Cynghorydd Kenneth P. Hughes gyda chyfrifoldeb am y Portffolio Addysg  
Y Cynghorydd Aled Morris Jones gyda chyfrifoldeb am y Portffolio Tai a Gwasanaethau Cymdeithasol  
Y Cynghorydd H. Eifion Jones gyda chyfrifoldeb am y Portffolio Cyllid  
Y Cynghorydd J. Arwel Roberts gyda chyfrifoldeb am y Portffolio Prifffyrdd, Eiddo a Rheoli Gwastraff  
Y Cynghorydd Alwyn Rowlands gyda chyfrifoldeb am y Portffolio Adnoddau Dynol, Technoleg Gwybodaeth a Busnes y Cyngor  
Y Cynghorydd Ieuan Williams (Arweinydd) gyda chyfrifoldeb am y Rhaglen Ynys Ynni a Phrosiectau Mawr

**6 ETHOL CADEIRYDD Y PWYLLGOR GWASANAETHAU DEMOCRATAIDD AM 2016/17**

Yn unol â Pharagraff 3.4.12.3, PENDERFYNWYD ethol y Cynghorydd Vaughan Hughes yn Gadeirydd y Pwyllgor Gwasanaethau Democraataidd am 2016/17.

**7 CADARNHAU'R CYNLLUN DIRPRWYO**

**PENDERFYNWYD** cadarnhau'r cyfryw ran o'r Cynllun Dirprwyo y mae'r Cyfansoddiad yn nodi mai swyddogaeth y Cyngor yw cytuno iddo fel y nodir yn Rhan 3.2 y Cyfansoddiad.

**8 CYDBWYSEDD GWLEIDYDDOL**

Cyflwynwyd i'w ystyried, adroddiad y Pennaeth Gwasanaethau Democraataidd ynghylch trefniadau cydbwysedd gwleidyddol y Cyngor.

**PENDERFYNWYD: -**

- Cadarnhau'r trefniadau cydbwysedd gwleidyddol a nifer y seddau a ddyrannwyd i bob un o'r Grwpiau o dan Ddeddf Llywodraeth Leol a Thai 1989, a nifer y seddi a roddir yn unol â defod ac arfer i Aelodau nad ydynt yn destun cydbwysedd gwleidyddol fel y nodir yn y matrices a oedd ynghlwm wrth yr adroddiad;
- Yn amodol ar yr uchod, cadarnhau bod y seddi a roddwyd i Aelodau digyswllt yn parhau ar sail y penodiadau cyfredol;

- **Bod Arweinwyr y Grwpiau yn rhoi gwybod i Bennaeth y Gwasanaethau Democrataidd cyn gynted â phosib os oes unrhyw newidiadau i Aelodaeth eu Grwpiau ar Bwyllgorau.**

## **9. CYNLLUN CYDNABYDDIAETH ARIANNOL I AELODAU 2016/17**

Cyflwynwyd i'w ystyried, adroddiad y Pennaeth Gwasanaethau Democrataidd ar y Cynllun Cydnabyddiaeth Ariannol i Aelodau ar gyfer 2016/17.

**PENDERFYNWYD: -**

- **Cadarnhau y dylai'r uwch gyflogau fod yn daladwy i'r deiliaid swyddi canlynol yn ystod 2016/17: -**

**Cadeirydd y Cyngor  
Is-Gadeirydd y Cyngor  
Arweinydd y Cyngor  
Dirprwy Arweinydd y Cyngor  
Aelodau eraill y Pwyllgor Gwaith (5)  
Cadeirydd y ddau Bwyllgor Sgriwtini  
Cadeirydd y Pwyllgor Cynllunio a Gorchmynion  
Cadeirydd y Pwyllgor Archwilio  
Arweinydd yr Wrthblaid Fwyaf**

- **Cymeradwyo argymhellion y Pwyllgor Gwasanaethau Democrataidd yn ei gyfarfod a gynhaliwyd ar 23 Mawrth, 2016 mewn perthynas â thalu uwch gyflogau (fel yr amlinellir ym mharagraff 2.11 yr adroddiad) a chadarnhau lefel yr uwch gyflogau yn ystod 2016/17 ar gyfer: -**

**Aelodau'r Pwyllgor Gwaith  
Cadeiryddion Pwyllgorau  
Pennaeth Dinesig a Dirprwy Bennaeth Dinesig**

- **Nodi manylion eraill taliadau a lwfansau ar gyfer 2016/17 fel a ragnodir gan Banel Annibynnol Cymru ar Gydabyddiaeth Ariannol fel y nodwyd yn yr adroddiad.**

## **10. CYRFF ALLANOL**

Cyflwynwyd i'w ystyried, adroddiad y Pennaeth Gwasanaethau Democrataidd yn gofyn am gadarnhau'r rhestr o benodiadau a wneir i gyrrff allanol.

**PENDERFYNWYD cadarnhau'r penodiadau fel y manylir yn yr atodlen a gyflwynwyd i'r Pwyllgor.**

## **11. CYNLLUN DATBLYGU AELODAU 2016/17**

Cyflwynwyd i'w ystyried, adroddiad y Pennaeth Gwasanaethau Democrataidd yn ymgorffori Cynllun Datblygu Aelodau ar gyfer 2016/17.

**PENDERFYNWYD mabwysiadu ac ymgymryd â'r Cynllun Hyfforddiant i Aelodau fel y nodir yn Atodiad 1 i'r adroddiad.**

## **12. AMSERLEN CYFARFODYDD Y CYNGOR AM 2016/17**

**PENDERFYNWYD** cymeradwyo'r rhaglen ganlynol o gyfarfodydd cyffredin y Cyngor Sir ar gyfer y flwyddyn i ddod: -

- 27 Medi 2016 am 2.00 pm
- 15 Rhagfyr 2016 am 2.00 pm
- Chwefror 28, 2017 am 2.00 pm
- Mai, 2017 (Cyfarfod Blynyddol) - dyddiad i'w gadarnhau.

### **13 CADARNHAU PWYLLGORAU**

Cadarnhaodd y Cadeirydd ailbenodi'r strwythur Pwyllgorau fel y cyfeirir ato yn Adran 3.4 yng Nghyfansoddiad y Cyngor, ynghyd â'r canlynol: -

- Panel Tâl a Graddfeydd
- Panel Penodi i'r Pwyllgor Safonau
- Cyngor Ymgynghorol Sefydlog ar Addysg Grefyddol
- Cyd-Bwyllgor Anghenion Addysgol Arbennig
- Is-Bwyllgor Indemniadau

Daeth y cyfarfod i ben am 2.30 pm

**Y CYNGHORYDD BOB PARRY FRAGS OBE  
CADEIRYDD**